



10831

馬東田漫稿卷之二

東田馬中錫著

沙溪孫緒評

筆山文三畏校

奉答王宣溪見贈

不徒皮裏擅陽秋下筆瞿塘水倒流  
孝武又章輸董馬建安人物數曹劉  
殘燈曾共三更剪短刺相從百遍投  
怪底書來香滿葉朝朝常侍

翠雲裘

東田漫稿

三卷

和宣溪秋夜雨中感懷

病怯余寒瘦怯夜宦情全不似當時  
酒於前月從酷戒詩過中年得句遲  
黃葉戰殘秋雨墮白頭搔向夜燈悲  
無端更被西風惱勾引蛩聲到短籬

評云

秋雨西風不厭相類  
雨墮葉而蛩吟風耳

和子美秋日出郭晚歸

白鴈霜前尚未還  
遠村近郭亂鳴蟬  
田翁早稻挑肩上  
里婦閑花插髮邊  
斜日青山催短景  
破林黃葉換流年  
獨騎羸馬歸來晚  
家住

長安尺五天

評云

第五句謂山峻斜日易晚第六句亦對得起尾句不泛

秋日出郭限韻二首

紅槿黃桑拂馬頭野塘水入稻田流酒煩地  
主鳴鞭送詩憶山僧授簡求籬落豆花驚欲  
晚家山柿葉想俱秋非關對景添惆悵自是  
相如故倦遊

樹深疑接武陵溪野水平橋日欲西  
糴極郭中千頃稻墾伊林外一聲雞名園花盡秋容  
淡曲徑人稀草色迷  
衰颯可堪詩思苦也騎

東日漫稿

二卷

二

羸馬共分題

題畫二絕

樹裏柴門晝不開野橋十里盡莓苔  
時人莫道無奇字恐有劉芬載酒來  
山腰茅屋得雲先有底幽人住洞天  
不是獻書仁壽未定應解印義熙年

評云

得雲先三字新

飲劉振之寓次用錢世恒韻

酒殘午夜人皆醉花暗禪房月到遲  
頭白閣梨猶健在移燈照我舊題詩

杯因多病常嫌大句到中年得每遲惟有風  
流王太史人前能酒更能詩  
香消金獸灰寒久水澁銅龍漏下遲今夜一  
尊聊對月明年何處更題詩

壽王宣溪

雨過秋槐萬乳開繡筵涼爽客初來行厨燒  
葉頻溫酒老鶴衝花故墮杯人薦子雲文似  
馬我期平仲國封萊百年此亦堪為壽何必  
逢人說姓回

劉振之和其韻

東田漫稿

二卷

二

往往新詩逼后村偶然飄泊寄都門卞和有  
玉期三獻方朔於書誦萬言白帽自為高士  
態綈袍誰下故人恩感時莫憶江南路紅槿  
花開叫蜀魂

代諸同寅送林克冲使暹羅四首

過海樓船候北風外藩旌節隔年通初聞蠻  
語疑啼鳥欲寄鄉書少便鴻退食舊從門下  
省歸心今繞建

章宮夷王若問

中朝事為道車書萬國同

評云起語

黃葉西風遍六街使君一騎發金臺遠啣丹  
詔經年去直到滄溟盡處開異域住多諳海  
味遠人相敬酌蠻壘歸時若更留文字定引  
夷王遣子來

建侯欲慰遠方人

聖主臨軒遣近臣丹詔下時雙闕曉碧  
幢到處百蠻春珠璣飾象迎天使簫鼓開船  
祀海神聞說夷邦應更喜此君元不厭清貧  
三年直省卧青綾今使殊方可慣曾海水帶  
鹹渾似鹵夷民削髮盡如僧地偏蒸濕冬猶  
扇船避魚龍夜不燈君自逢人能問俗愛君  
特地語頻仍

東田漫稿

二卷

四

唐元勳秋官以畫梅贈張廷芳憲副求  
詩其上次李西涯韻答之時張赴浙臬  
和靖寒花一樹無湖田聞有吏催逋寫圖不  
盡都官意此去憑君自泛湖

評云

句意甚工有諷  
有刺有含蓄

飲董懋克所限韻

竹木臨簷翠欲疑早秋時節氣猶蒸詩因覓

句韻知險月到上弦輪漸增投轄井中留客  
飲舉杯花底記吾曾醉歸忘却來時路打馬  
當筵恐未能

評云押險韻不見其  
難八句俱可

飲薛經府別圃和韻

放衙常向北看山京兆行窩十笏寬飲我不  
妨尊似海送人曾記谷名盤話長日轉園亭  
晚坐近風來几席寒不是聽雞騎馬累為留  
今夕盡餘懽

評云後四句  
當勝

東田漫稿

二卷

五

用韻贈德馨二首

諫院相知近十秋每多滄海內洵流君嘗有  
句能凌謝我獨無才近媿劉萬事任棋隨局  
變兩情如漆與膠投感恩嘗笑田文客只解  
秦宮盜白裘

一見堂顏即厚顏為題詩罷更茫然人從毀  
齒心猶赤君獨終身志不遷白首弄雛方可  
喜青年懷橘未須憐世間突兀惟斯屋綠野  
耆英亦浪傳

德馨宅即席限韻道別

抄秋雲冷鴈來時愁賦河橋送別詩官裡聽  
雞人已去首中聞鳥吏應思殘寧此夜張燈  
酒病柳明朝中雨枝去去扁舟定回首九年  
曾受

聖明知

評云

三四一氣說  
去却有興致

飲胡冬官宅即席次韻

懷抱經秋鬱未開偶携方竹為君來淨土能  
幾見落木老態醉愁行滑苔元結為官真漫  
浪少陵退食每遲回從今擬覓香厨尉說與  
東田漫稿  
二卷  
世人休見猜

評云

三四跌宕自  
成一家言

王太史過寒舍小酌即席限韻奉答

駐馬勞君叩竹扉樹頭殘葉掛斜暉家惟斗  
酒妻藏爰厨澁盤殮客過稀籬下雖無元亮  
菊篋中猶有杜陵衣分明記得華堂宴夜夜  
春城月出歸

陳千戶蒞上即席韻二首

彷彿裴家綠野堂柴門茅屋竹床方近簷雲  
宿林花潤隔塢風來水稻香白鳥度秋山欲

曉紫騮馱醉路偏長相過此池年來幾回首  
人間吏事忙

評云

五六種其用力點綴景意

十里平原一笛風習家池上醉仙翁林幽地  
似居塵外山遠人疑在畫中流水繞村浮淺  
碧斜陽戀樹閃殘紅重來莫謾思前度特節  
逢秋自不同

朝天宮訪李鍊師不遇

到處逢人說姓回棕櫚秋老暗庭臺池邊換  
字鷺空在天上聽經鶴未來丹竈不因燒葉

東田漫稿

二卷

七

冷洞門曾為看雲開何時更擬携琴過相對  
山花一舉杯

評云

三四自在與前篇鳳字鷺書不同

輓錢方伯母

久住襄陽着布裙老來一夢入秋雲空勞藥  
裹多年在無復機杼到夜分終古青雲悲仲  
子九原白髮見封君令人却報梁鴻婦不與  
要離相對墳

紅板之遷居次

諸中舍韻

時振之自序中遷居李德

卷之四

中云云

萬錢買宅豈無因燈火知君閉戶親更喜看  
花連上苑肯因撲棗拒西鄰遠公社裏攢眉  
客楊子門前問字人今日移家天咫尺莫嫌  
鐘鼓聽來頻

懶與支郎共結因移家城市許相親從前辛  
苦非關竹此去安居願卜鄰雪裏謾疑袁氏  
宅城南不數杜陵人浮生到處都如寄莫厭  
相過載酒頻

輓黃大參

官衙可但寫銘旌死有遺薰頌政平藩臬兩

東甲漫稿

二卷

八

司俱歷宦甲科三殿舊知名朝臣尚注東南  
目閩水空流日夜聲料得不憂身後事諸郎  
已見貴慈明

為處州毛指揮作

誰無終古恨君獨少年孤克謹春秋祀還驚  
歲月徂望雲心已醉陟圯淚應枯可柰西風  
棹年年漕上都

王太史遺帶詩以謝之

繫玉懸金想寂寥老橫角帶在臣僚惟愁沈  
約頻移孔敢與公西並立朝塵世能消幾兩

殿時人謾詫十圍腰從今裝束因君換不道  
龍鍾可挿貂

九日飲薛京兆別圃再用前韻

地主應疑我姓山故將別野闢教寬品題謾  
作茱萸泝清苦真成首蒼盤樹密每忘西日  
落酒酣偏耐北風寒重來况是重陽日肯負  
黃花不盡慳

秋夜不寐感而有作

白頭搔短對殘缸寒鼓聲沉月到窓為客不  
逢牛渚謝携妻欲學鹿門龐愁憑酒破須頻

東田漫稿

二卷

九

酌病與詩塵未即降却憶扁舟歸去者蘆花  
今夜卧秋江

評云是起興

慈恩寺登高用杜韻

即海印寺

慈恩寺裏西風急與客携壺上古臺此日聊  
同萍梗聚昔人曾見菊花開浮雲多態舒還  
卷流水無情去不來安得長繩能繫日莫教  
鐘磬上方催

重陽載酒慈恩寺十里湖光百尺臺近水田  
園連宅買出林樓閣背城開黃頭郎權官船

過碧眼僧騎御馬來獨有籬花非

內賜一枝留待我詩催

評云

感憤悲壯可想見其情尾句差弱

次韻王太史登慈恩寺閣

寺林隱隱水悠悠一犬寒寥吠不休黃葉滿  
身僧入定紅塵拂面客來遊天寒北鴈縱橫  
過日暮西山紫翠浮只恐菊花還笑我功名  
未了髮先秋

評云

三四

重陽後數日王存節鴻臚宅賞菊即席

東田漫稿

二卷

十

了

限韻

微官總了簿書忙步履來尋五柳庄黃菊尚  
如前日好白頭無復少年狂西風落帽人何  
在左手持螯酒正香醉極不妨搔首坐冷雲  
飛盡暮天長

朝天宮訪真秀才

庭院經秋碧蘚生白雲兩屐雨餘輕敲門一  
犬籬邊吠倚柱群魚水面行半榻喜君依靜  
舍十年慚我住都城今宵共剪西窗燭笑語  
還驚鶴夢清

過黃翁家留飲用唐韻

遠尋地主故遲回秋盡黃金百尺臺貌若隔  
山爐尚在醉能濯足客重來馴烏得食莎階  
靜小犬迎人竹戶開潦倒謾題詩在壁不妨  
風雨長莓苔

次韻答郭子美書懷

三十七年空擾擾公私都作冷齏吹律忘自  
笑聰明減多病從將懶惰疑何畏彼哉非恃  
酒徒勞人耳是能詩何時一棹柴桑去揮手  
紅塵謝世兒

東田漫稿

二卷

十一

了

春詞

評云

五六鍾自戲自笑然自負正復不淺

紅梅花插銀瓶小紫降烟隨金篆裊病酒偎  
香起尚遲流蘇帳煖雞催曉是誰偷捲繡簾  
窺庭院堆鹽揔不知小立風前梳洗罷笑團  
雪打綠衣兒

評云

如此作豈在溫飛卿曼叔原之下

幽居

幽居人不到撫景自留連露重花垂地風狂  
絮上天鶯聲行酒曲榆筴買春錢只恐王維

過相疑是輞川

評云二聯甚口

### 道士燈

泥塑黃冠紙作身  
兒童燈下喚全真  
雖然外似人  
模樣到底中心不是人

評云此當有所諷

### 代王掌科送張省祭官

十年為吏了囊金  
博得青衫返故林  
白髮高堂忻戲彩  
綠波春水惜分襟  
平蕪一騎辭燕壁  
落日孤村望楚岑  
莫把宦情從此薄  
張湯

東田漫稿

二卷

十二

### 元亦戴朝簪

和韻慰郭子美下第是年予校文春闈

早歲青雲期致身  
中年兩鬢尚風塵  
龍門點額誰憐子  
滄海遺珠我媿人  
大器終成休恨晚  
好花遲發會逢春  
從今莫問窮通事  
高岸林間折角巾

評云末句有含蓄謂標格能如郭太則一第得失不足為榮辱也

### 用前韻送楊文晦下第還家

濁酒都門又送君  
東風輕颺化衣塵  
校文我監吹竽列失意  
誰憐鼓瑟人一棹  
遠投南浦

夕兩鶯初轉上林春懸知此別重逢日高領  
宮花挿醉巾

評云景語開  
曠有趣

送蘇鍊師還山

南北東西自在行黃冠高岸餌黃精市壺賣  
藥無人識石鼎聯詩有客驚了道許留丹曰  
別好書已養白鶯成山中此去何年出聞說  
脩琴再入城

述懷和敖靜之韻

幾年騎馬走黃塵富貴邯鄲一欠伸世上雞

東曰漫稿

二卷

十三

虫無了日山中猿鶴已嗔人文園卧病思封  
禪宣室求賢問鬼神讀罷古書長太息小簷  
花落又殘春

評云憤情幽思種  
種可想見

四月八日陪王世賞編修郊行限韻

撚斷吟髭已數莖高才摩詰句先成徧題蘭  
若凌晨往聞說瞿曇此日生陌上風花常撲  
百眼前山水足怡情絕勝嚴武西川道小隊  
行春列騎兵

城市囂塵汨此身偶來城外避囂塵興同剌

曲乘舟客吟對新豐濯足人雞黍淹留期盡  
日鶯花狼籍已辭春何時重覓今朝會狂脫  
尊前漉酒中

評云

雞黍鶯花之句是春春  
景意故對偶太巧不妨

一春孤負賣餚天四月尋芳到水邊  
往鼓正  
析收麥雨村炊暹起隔林烟履穿林  
煨栽花  
圃酒載陶翁種秫田為語同遊諸  
諫議好因  
風景惜華年

和董子仁郊行飲王家庄上

青山環列補頽墻景物依稀似謝庄  
日轉當

東田漫稿

三卷

十四

筵移柳蓋風來隔澗奏松簧  
經春村郭花辭  
樹近水田疇稻著秧  
休沐此遊多勝事不堪  
回首故園荒

輓陳民部繼母方孺人

斷弦重續太丘家七十流年兩鬢華  
舉世有  
寸吟柳絮平生無子衣  
蘆花剪刀院冷填黃  
葉織錦函虛暗綠紗  
遺恨鼓盆人尚健與誰  
同挽鹿門車

郊行飲王家庄上再和前韻

綠水環村雲度墻相逢一笑輞川庄  
交花野

樹明如錦學語林鶯巧似簧陌上遊人狂載  
酒田間少婦解分秧我來不為看紅藥地主  
休辭後圃荒

評云起語  
闌曠

省中和李汝弼韻

承恩日直殿西廊絳闕沉沉晝漏長垣竹映  
窗分綠淨宮花隔幔墜紅香迂踈自幸為文  
吏淺薄將何報武皇回首却慚雙鬢改六年  
供奉綴班行

覆和前韻

東田漫稿

三卷

十五

白首叨陪鷓鴣驚行北窗爭似傲羲皇酒開春  
甕愁仍醉花落風簾夢亦香夜雨溪聲來枕  
近夕陽山影到門長自慚岐路迷歸轍猶戴  
朝簪直省廊

書懷

一夜西風到小樓寂寥門巷不勝秋雨中茂  
樹皆黃葉燈下羈人欲白頭富貴無心聊作  
宦功名有分莫封侯他年事畢投章甫擬著  
漁簑理釣舟

評云前四  
句好

和方文進寫懷韻

六年潦倒百

宸旒知足常懷馬，火游龍尾起朝行。  
老病蠅頭射利豈良謀，畏途泥淖驥垂耳。  
宦海風濤魚中鈎，却笑相逢關令尹。  
不知誰擬駕青牛。

謁

陵道中李文卿秋官限韻

諸陵秋樹暮雲遮，樹杪群峯似犬牙。  
人望寢園才一舍，路經村市祇三家。  
烝嘗先帝應如在，廟貌前王更莫加。  
寄語驪山下，下冢當時此地是龍沙。

先帝應如在

廟貌前王更莫加寄語驪山

山下冢當時此地是龍沙

東田漫稿

二卷

十六

懋沙河寺

五年三度謁西陵，野寺頻過識病僧。  
聞說先皇殂落後，玻璃未滅佛前燈。

答李士常侍御見候韻

衝泥何處駐輪蹄，水繞孤村渡欲迷。  
自覺省郎渾倦思，謾勞柱史又分題。  
馬諳熟路常先發，鴉閃殘陽定後栖。  
却憶曉辭三殿罷，香烟携出午門西。

評云五六

新

和邵文敬

邵璧馬韻

風流曹長擅詞場走馬長安墜欲傷快意豈  
知翻取辱全神不道醉為狂曼卿誤矣誇非  
无樂正危乎殆下堂從此坦途還可畏人間  
無處不瞿塘

剪花

我持鬼國鐵剪碎洛陽錦紅紫觸手空綠陰  
意得甚是以芳菲姿見予恒凜凜感之問西  
鄰園英有竒品護以百寶闌萬卉皆斂衽嗟  
我忽頽然背花擁高枕

壽惟明處士時年七十四月朔日生

東田漫稿

三卷

十七

白頭老子地行仙曾杜柴門草太玄生比釋  
曇先七日壽惟絳叟長三年元龜引氣搯牀  
下老鶴呈祥舞席前若道延齡真有訣此翁  
嘗治養生篇

送孟鎰千戶侯漕運還家用郭子美韻

繡柶關門吏共賢相逢京國憶當年遼東近  
擬收三箭圯下元從受一編漕運遠承民部  
檄餞行深媿水衡錢紅亭酒盡行人發十里  
垂楊鎖暮烟

言懷用東坡次韶守狄大夫見贈韻

少年人詫白眉良末路羈栖歲未央四壁蒼  
為歸隱計一函惟貯養生方秋來卧病踈毛  
穎老去甘貧絕杜康况復無才堪補衮強含  
雞舌侍 岩廊

評云

句律句稱絕  
熟自是作者

住俸

自歎謀生拙似鳩閉門停祿卧高秋東方曼  
倩將飢死司馬相如欲倦遊善飯豈能誇間  
使加飡何以答書郵明當拂袖柴桑里碎倒  
東籬百不憂

東田漫稿

三卷

十八

麥秋停祿到瓜期老病那堪更斷炊八口二  
旬才九食五年一飯已三遺監河侯欲捐金  
日魯郡公將乞米時却憶故園禾黍好不勝  
鄉思獨支頤

感懷和郭子美韻

知君豪氣少相投高卧元龍百尺樓紗帽白  
侵頭欲雪酒爐紅燒葉初秋驚人有句貧逾  
世干世無書老尚愁安得和奚今在位薦賢  
不念解狐

惟言

評云

三四句  
法

自述

門門高卧與蕭然  
金槩無心草太玄  
黃葉擁階堪者藥  
青藜倚壁倦挑錢  
強拋不得惟浮世  
力挽難回是少年  
却欲相從陶處士  
掀髯一笑菊花天

書大名察院

時為嘉祥長公主勘地

我來欲下翳桑壺  
鼠輩欺民雖併無  
政使士夫逃唾罵  
豈能將相便身都  
破車忤主人何在  
判磴還僧勢亦孤  
明發歸朝見

天子會須還上鄭公圖

東田漫稿

三卷

十九

評云

語雖粗直孤憤凜凜可畏

開守彭載道以名酒新鷺見遺詩以答之時彭久病

三年兩地惜離群  
今日開緘宛見君  
送酒慢勞賢刺史  
籠鷺深媿右將軍  
誰同夜刻澶淵燭  
我獨朝停魏博雲  
來使却歸煩問訊  
主人何似沈休文

評云

八句俱穩矣恨末句休文與聯內右軍重疊耳

過舊大名城

高原立馬夕陽春  
為訪前朝避暑宮  
野黍鴉

黃兼鴨綠渚蓮孤白亂猩紅北門鎖鑰沉沙  
久東郡輿圖劫火空惟有斷碑荒草裡數行  
殘字紀天雄

評云三四類  
傷工巧

再過舊城

停車重上魏城隅宋祖行宮迹半蕪獨樹邊  
流空照影敗荷擎雨不成珠斷碑有字題科  
斗古井無聲沒鹿盧欲問當年興廢事野人  
長嘯起林鳥

評云二詩懷古俱佳  
後篇勝前篇

東田漫稿

二卷

二十

輓唐良弼茂宰二親

馬安山下埋雙玉風雨年深長薜蘿明府悲  
愁天共久中郎文字世難磨  
胸前有石支機在門外無船載酒過  
聞說近來原上樹秋風應比舊時多

壽錢世恒父

七十行年兩鬢絲此翁高壽更誰如火陵有  
癖仍耽句玄晏無官愛讀書春酒熟當修禊  
後曉筵開憶設弧初豈知塵世求名者老幹  
龍鍾尚曳裾

評云

三四自  
在羣  
句頗近  
諫罵

送鄧職方考最還南京和汪文潔韻

西垣有客憶當年風雨藜牀共子連話舊各  
悲三峽遠書勤獨占兩京先便從薊北水霜  
地歸去江南橘抽天萬里相思書咫尺春來  
好寄五雲邊

送范法曹謫倅鳳翔

疋馬蕭蕭行路難遠從燕壁謫秦關寒城歲  
秋驚分袂春殿年華憶賜環富貴宛成棊累  
卵功名何異觸爭蠻憐君無計留君住媿我  
徒居供奉班

東田漫稿

三卷

二十一

輓田廷尉母夫人邵氏

夫子門前食客謹夫人况出故侯門錦堂忽  
棄三牲養白髮空傳八座尊嘔血已聞悲阮  
籍倚閭誰復望王孫高陽故國堪埋玉風雨  
蕭蕭黃葉村

長安雪二首

關河初凍合風雨到窗時籬犬驚常吠林鳥  
下復疑紅樓人起晏白屋婦春遲更念邊城  
卒戎衣冒冷披

漠漠同雲合天寒鳥過稀  
午橋飛六出甲第掃三歸  
帶雨凝金勒隨風打鈇衣  
何如袁處士高卧掩柴扉

評云

二詩俱佳後篇勝前篇

寒夜自述再和舊韻

飲醅聊取醉挾絮未嫌貧  
持比飢寒者猶為富貴人  
一家通十口千里隔雙親  
今夕團欒處悲懽近隣

再贈范法曹

君佐宗資郡予留郭隗臺  
再三斟酒別萬一

東田漫稿

二卷

二十二

寄書來足馬衝風去殘鴉背雪  
回茲行安義命

聖主合憐才

評云

第六句好

早朝值雪限韻

曙色微明

三殿開九天風雪浩無涯  
僵髯綴凍頰須捋病眼生花  
錯費措中使掃迷龍尾道  
昭容行泣鳳頭鞋茂陵若起  
相如病未必梁園賦最

佳

評云

細潤可喜韻險愈見其難

和韻賦雪

北風吹面利於鱸十二街中亂撒鹽入寺天花紛作陣巡簷冰柱倒懸尖短衾正好蒙頭睡凍筆何堪信手拈聞說近來多道殢苦將三白為誰占

評云

世爭傳東坡雪詩如此二詩說險更甚而雄渾自在更出坡翁之上觀者當自得之筆不能盡述也

歲暮

歲暮支頤獨倚樓宦情羈思共悠悠清貧擬

東田漫稿

二卷

二十三

貧龐居士老病誰憐沈隱侯朔雪欲消山日暝北風初起塞雲收天特人事闌珊盡時復寒禽噪瓦溝

禱雨有應

清曉齋廬豁病眸好風將雨入西疇已添太守名亭喜頻減詩人為國憂水面漚多池欲沸山腰雲擁地如浮憑君謾說秋成事肉食從來不共謀

評云

佳作恨尾句太露

感懷次郭子美韻

日漸無補

聖明時半世齊筭只濫吹性懶敢嗔人共棄  
官貧却免盜相疑陶潛罷去綠耽酒杜甫流  
離坐善詩何用載書三十乘從來了事屬癡  
兒

次敖靜之九日言懷韻

騎馬聞雞有底忙一秋憔悴沈東陽身隨杖  
竹空存節髮比籬花不耐霜官裏八年三見  
閨夢中十夜九還鄉何須更落西風帽黃葉  
填門獨舉觴

東田漫稿

二卷

二十四

評云

好前四句  
不似和詩句

西涯侍講圭峯宣溪二太史夜飲寒舍  
有作次韻奉答

空堂坐久嫩寒生紅燭花殘墮地輕十月風  
光線共賞百年杖履幾隨行官曹雖隔中書  
省里巷同居北斗城今夜一尊聊會合小簾  
低度漏聲清

評云

起結俱  
俊詠

劉振之遷居次其韻奉答

移家深巷閉門居對酒顛狂對客愚詩卷盡

圖交插架晚菘春韭混成區書投光範羞同  
愈跡隱中條擬學圖我願卜為鄰舍住行囊  
爭柰一錢無

次屠秋官元勳韻壽劉振之

君才十倍蔡中郎尺牘何年奏未央項下有  
絳仁者壽眼中常白醒而狂朱門不結王生  
襪皓首期為陸氏莊我欲預儲千斛酒每逢  
初度一登堂

寄蕭文明次其韻

聊復題詩寄遠人天涯一別幾晨昏玄都觀

東田漫稿

二卷

二十五

裏非前度武德年中有讜言瑣闥尚懷同出  
入瘴鄉深喜獨生存始知去住皆

君賜莫道南遷不是恩

評云

蕭海鈞一代偉人故此詩極其珍  
重三四謂今時又非海鈞扶言時  
矣

萬歲殿次王太史韻

在朝  
天宮

門鎖蓬萊落葉多

先皇行殿尚巍峩當時朝士重來少此日微  
臣再拜過銅狄猗猗寒可怖巨靈顛顛夜猶

語



聞說而翁壽方瞳夾秀眉種松身可抱養鶴  
背堪騎靜鍊形俱瘦寒期操不移畫圖渾未  
盡更與一題詩

振之招飲以腹疾不赴作詩謝之兼柬  
王太史

不得尊前共一卮閉門獨自擁衾時光陰可  
但如過客造化分明似小兒拙引世人生口  
語幸惟吾子是心知明朝痛定相尋去未許  
山公擅習池

有感二首

性資愚拙賦命迤遭平日交  
遊中道改路甚至有擠之井

東田漫稿

二卷

二十七

而又下石者因賦  
短章用東同志

隱几慚歌伐木篇翻雲覆雨最堪憐也知天  
道如弓在爭奈人心似面然秦晉結姻空累  
世耳餘貽笑已多年早知木槿花殘易定覓  
長松種眼前

怪似鴝鷓惡似鷓向人談笑皆人嗤多方難  
避含沙毒有計無過入甕竒渠死定應淪十  
獄我文何用罵三尸年來禍福分明甚莫道  
從前造化私

得襄陵尹李汝弼書詩以報之

遠書珍重見情親  
記得君行是暮春  
別後相逢惟有夢  
老來交契更何人  
薊門飛雪風初臘  
易水流澌日正申  
題罷一緘無可贈  
空勞白鴈去來頻

寄業師陳先生時舍姪從其遊

曾事先生住白牛  
別來人世幾經秋  
天涯自嘆侯芭老  
門下今看小阮遊  
情有萬端書不盡  
夢雖一見醒還休  
關河流水年年綠  
不識相思到水頭

西掖晚歸有感時事聊賦述短章用呈

東田漫稿

二卷

三八

十

同志者

矮面缺月照人寒  
殘雪留簷凍木乾  
衰信已憑雙鬢寄  
世緣聊作一枰看  
斜封官好空批取  
神武門高未掛冠  
悵却登山與臨水  
十年騎馬走長安

評云

稱

悼亡女用蕭文明韻

二尺新墳瘞汝身  
倚門雙眼哭將昏  
病來不共龍公化  
老去誰諳伏勝言  
憶昨燈前聞笑語  
從今地下失溫存  
也知過慟渾無益  
爭奈

難拋父子恩

和宣溪述懷

百事無成柰老何  
顛毛衰盡類頭陀  
病駒可但饒芻豆  
傷鳥猶思脫畢羅  
昨日已非今日是好懷  
常少惡懷多憑誰為鼓  
湘江掉唱徹滄浪孺子歌

評云熟筆不費力

和陳粹之僉憲借居韻

一官纔滿又移居  
蹤跡如樵復類漁  
地僻未栽王氏竹  
車多先載陸家書  
正堂聊借三間足  
負郭應無二頃餘  
為報使君書最畢  
還來花底坐籃輿

東田漫稿

二卷

二十九

十

帝王廟內有元世祖像

世祖祠堂帶夕曛  
碧苔年久暗碑文  
薊門此日瞻遺像  
起輦何人識故墳  
綽楔半存蒙古字  
陰廊多繪伯顏軍  
可憐樹老無花發  
白晝鴉鳴到夜分

題莊僉憲章江賦別卷用王太史韻

記序王維送別詩  
樹分楊子秋相思  
豈應從此愁  
縈骨謫向江南盡  
別離

平江初發木蘭舟人倚勝王歌舞樓今日君  
歸江水逝相思載過海東頭

評云盛唐人語也

過廣恩寺有憶用長老

野門長鏤野烟凝瓦礫年深積漸增紫陌縱  
來前度客白頭不見舊時僧疎林罷葺寒鷗  
嘯茅案留塵夜鼠登獨有雨花臺尚在無人  
說法為傳燈

天寧寺次韻

參差烟樹似東林塔院年深草亦深靜極不

東田漫稿

二卷

廿

通車馬路來多應換市朝心屐經苔過留僧  
跡磬隔花敲答梵音我亦故饒林下興幾回  
感此欲投簪

評云三四好措尾句相犯

題冀文華郎中墨牡丹卷

卯酒初醒宣喚急沉香亭上已鈎簾太真倦  
理烏雲髻背倚闌干暫黑甜  
銀燭夜殘花已睡瑤臺月暗酒初醺此時試  
凭雕闌看始信丹青手十分

烏龍行雨黑風吹注消羲之洗墨池流出百

花根底過牡丹一夜變成緇

評云

三絕俱可喜不減  
陳簡齋墨梅之句

除夕分韻得未字

閉門不謁金貂貴坐擁寒爐縮如蝟僵髯撚  
斷肩聳山聲比飢鳶僅餘氣流年一去不復  
回徒嘔狂心甚無謂急呼妻子洗甕罍隔隣  
貰酒聊相慰須臾酒盡吻更乾悔不即時作  
兵尉兵尉有時還自來阮郎嗜酒非因味便  
將此意問玄冥脉脉無言似深諱令人感此  
重茫然起視中庭夜央未

東田漫稿

二卷

卅一

哭亡兒晉生

浪在人間過五齡只呼小字未呼名病多常  
是居懷抱年小馬知痛死生老淚橫流措到  
曉悲腸如割怕聞更雖然時共人談笑無那  
愁心暗裏縈

立春後禁直

禁門深鎖隔衆愚吏散空階鳥下遲殘雪未  
消鳩鵲觀暖風先到

鳳凰池一官多暇文書靜十載無能鬢髮衰  
便合放舟江海去豈應常戀好文時

評云

富麗闕闕不減盛唐諧作

挽鄧廷曜編修父

門外閩山遮莫青烏皮几在更誰凭圖書壓  
架思玄晏水竹移居失杜陵墓石文章鐫細  
字影堂風雨暗孤燈可憐東省西曹客恁為  
而翁淚滿膺

評云

挽詩似此者在古亦少未句未稱

除夕次韻三首

歲杪東風到尚遲  
捩髭脉脉白尋思  
一冬寂寞將除夜  
十口團圞共守時  
燭燼前殘猶命  
酒爐灰撥盡  
未成詩  
為君預料明朝事  
同受新年更莫辭

東田漫稿

二卷

卅二

評云

可喜可笑

楫拙煨殘酒緩行  
重城清漏下三更  
欲留此夜知無計  
堪笑流年太薄情  
報國筋骸將老  
憊當家兒女未生成  
歲寒心事誰同語  
坐對燈花百感生

評云

甚好

白髮綠愁積漸生  
山林朝市兩無成  
也知冷暖分今夕  
不道光陰亦世情  
眼暗已難看細

曆耳聾猶可數殘更明朝媿受新年  
寵雉尾前頭奉引行

評云

第三句好  
借對不起

和吳掌科新正述懷

閒據胡林遂弄三東風吹面鬢鬢  
細思往事誰非夢同受新年我獨慚  
世上雞虫何日了山中猿鶴此心甘  
狂來且學少陵老典却春衣日醉酣

人日次劉振之韻

客裏驚逢挑菜天東風回首一茫然  
占豐已

東田漫稿

二卷

卅三

過牛羊日筭老徒增犬馬年性僻懶  
投時貴刺官貧常負市沽錢濫竽猶  
幸無人試敢恨班資久不遷

評云

三四可喜  
五六亦佳

齋宿大興隆寺懷圭峯侍讀景范司封

各一首

紆園風暖雪晴時殘臘階前樹合知  
借榻偶然三過宿懷人聊爾一題詩  
因尋方丈奈初罷聞立迴廊月較遲  
料得徒吟狂杜甫寂寥燈下亦深思

蕭寺鐘鳴月在東  
憶君閒立柳邊風  
春知雪意還留白  
寒妬花枝未放紅  
寂寞齋居三日  
後從容扈蹕

五雲中分明便有仙  
凡隔不獨官曹舊不同

評云

三四篤得  
登春好

十六日聚飲照上人房二首

蒼苔村深未試花  
蕭然興味野人家  
春寒客醉貂裘酒泉遠  
僧分雪煮茶  
苟裏殘茶狂着  
醉生問新字  
醉題斜晚來騎馬東西去  
門掩空階啄凍鴉

東日漫稿

二卷

卅四

評云

渾成自在未  
句興意不泛

閒尋蕭寺及初春  
禪榻無塵最可人  
僧已白頭身尚健  
客俱青眼意尤真  
收燈時節花將發  
掃雪人家酒正醇  
莫怪相逢即沉醉  
浮生踪跡易參辰

評云

下及  
前詩

張醫師牡丹卷

誰將洛陽花寫向洛陽紙  
千年無人收流落杏林裏

評云

綱  
可善

寄鄉先生趙君

遠書珍重寄相思，聊復題詩問起居。別久白頭知尚健，住多青瑣媿先衰。暖風揚柳才黃，  
露春雨靡蕪正綠，時却憶故園花下酒，無由縮地一追隨。

壽蔡明府

黃通政  
婦翁也

五柳庄前鶴髮翁，秀眉盈尺炯方瞳。逢人愛說先朝事，得壽疑修內景功。遠地獻圖當誕日，頻年開宴對薰風。銀臺不是東窓客，誰索題詩寄越中。

東田漫稿

三卷

廿五

挽王都堂朝遠

兩浙三秦舊有聲，勲勞不說虎頭生。身因許國成多病，心為憂時退亦驚。山水已難留大雅，子孫相繼守幽貞。他年信史還當錄，不獨區區月旦評。

花朝後十二日山遊限韻二首

未覺滄洲減吏情，五年三度此經行。山明似與花爭媚，春到先憑鳥寄聲。閒欲出城頻假沐，醉雖題句懶留名。重來朋舊渾應少，惆悵

湖西草又生

似與山靈隔歲期  
重遊風景記前時  
寺因路遠來常少  
僧怯春寒起故遲  
草色漸分岩下石  
花枝斜亞水邊籬  
醉歸莫話閒行事  
只恐城中人未知

次周都尉韻

春日湖西路  
相期訪道林  
水肥魚已乳  
花老樹多陰  
燃竹行厨午  
彈棊小院深  
頓令城市客  
忘却去留心

三月十一日過城西劉氏庄居有作限

韻

東田漫稿

二卷

廿六

偶乘休沐此經過  
花事闌珊可柰何  
十日身終一日暇  
三分春已二分多  
柳深村巷鳴黃鳥  
水暖池塘泛子鷺  
撫景不勝鄉思發  
幾時歸唱濯纓歌

十四日遊甕山次謝于喬太史韻二首

柳外湖光花外樓  
四時佳興屬春遊  
隔林陽飤初疑馬  
度水晴雲欲亂鷗  
客醉不禁寒食酒  
僧歸還上夕陽舟  
自慚潦倒東風裏  
也復看山逐勝流

評云

佳甚不  
燒唐人

草色湖光遠帶樓一春過盡始尋遊未愁花  
落如紅雨秣恐身忙媿白鷗寺僻豈無玄度  
屐樹深疑有武陵舟山人若肯招携住洗耳  
寧耳逐下流

評云

後首微不  
及前作

是日次李西涯一首

醉騎羸馬行常後重到西湖髮已華一笑不  
知身是客十年真以宦為家園林此日堪携  
酒城郭經春始見花寄語同來看山者暫時  
幽賞未須誇

東田漫稿

二卷

廿七

送冀文華郎中弟文緒偕其姪還淮南  
為客思南國還家下北州大馮才共被小阮  
又同舟回首鶯花暮驚心兔麥秋可堪圖畫  
裏池草重添愁

評云

着題可喜鶯花兔  
麥對偶巧而不早

壽李侍講世賢二親

執子官

鸞掖同妻隱鹿門此時方具屐前

歲已貶

恩珠翟頭初白青蔥眼未昏會應

躋上壽膝下見玄孫

評云

穩重  
可憐

寄李大尹因時上舍附上

故園不見動經年，時復人傳令尹賢。  
桃李有花春繞縣，村庄無吏夜徵錢。  
印從事以文生綠，琴為彈多指膩弦。  
遠地忽聞歡不盡，題詩聊寄孝廉船。

題漁舟便面

不了烟波事，非關傲列侯。  
懸厓斜出樹，折苇倒侵舟。  
天濶鴈愁度，水寒魚倦遊。  
科頭蓬底坐，話盡忽驚秋。

評云

中聯俱好三四尤佳

東田漫稿

二二卷

廿八

兩翁閒坐處，抵掌話封侯。  
鴈影沉江水，蘆花隱釣舟。  
始知九鼎食不及，五湖遊却笑磻溪。  
老逢人鬢已秋。

寄呂都憲天章

獨擁旌旄駐漢關，勲名不讓虎頭班。  
兵臨沙漠風雲合，威振單于士馬閒。  
可但肝腸堅似鐵，也知號令重於山。  
裁書幾度慚還止，老我棲遲省署間。

寄郭澹

都憲之子

問年猶白火，終軍對客揮毫已善文。  
金彈不

曾緣鳥擲蘭膏時復為書焚而翁舊共青綾  
被老我空懷白練裙今日寄詩聊爾爾他時  
看汝賦凌雲

崇恩樓

周尚寶所創蓋以  
藏三朝制誥者

不為殘年惜俸資清溪溪上構新居兩肩革  
髮三朝寵百尺危樓滿架書

聖製煒煌追帝典名流歌味過黃初主人况  
是先憂者暇日登臨思有餘

寄郭都憲

一從車騎駐桑乾欲寄音書馬到難去病又

東田漫稿

三卷

廿九

增新食邑子雲猶拜舊郎官省中青瑣頰年  
別塞上黃雲盛夏寒最是憶君無那遠空勞  
魂夢繞邊關

評云

次聯不  
及前聯

送錢世恒赴廣南料理邊儲

太倉粟陳紅四海正寧一

天子念邊儲臺臣持斧出悠悠赴南荒飽歷

蛟龍室所至更斲端庾脊應股粟乃知激揚

才亦諳會計術瘴雨細於塵瘴烟暗於漆借

問彼唱籌何如此簪筆願言聞早歸

鵲首觀 天日

輓畢大尹

三春返哺慚烏鳥萬里歸心付白鵬相識祇  
知仁者壽夫人豈謂卒于官東風花縣吏應  
泣落日林田人不還最苦阿戎聞訃屢解冠  
揮淚別劉寬

壽韓孺人

記得歸龐老當時髮似鴉而今垂白髮初度  
對黃花建業家應舊淮陰曹亦華題詩聊致  
祝挑熟歲方賒

東田漫稿

三卷

四十

壽林待用父母

都官堂上白頭親歲釀黃柑一甕雲隔月壽  
筵凡再舉百年遐筭已平分山中舊業惟籬  
菊廡下渾家只布裙共此優游應未老會嫌  
竹祖父桐君

題携琴訪友便面

野叟携方竹山奴抱古桐知音渾不見延此  
夕陽中

又題山水便面

遠寺鐘聲盡空江月色新倉忙沙岸者應是

後歸人

評云

冲淡有深趣

送周仁廣通判三首

除紙親持出

帝居福州民吏候征車莫教瘴海炎鄉化不  
及方城漢水初時望盡歸新別駕家聲猶屬  
舊尚書懸知別後懷君者極目停雲倚直廬  
門巷應嫌俗轡通草堂買占市橋東官廳禁  
署同卿月人出名家有父風久判此中千日  
醉未能忙裏一尊同何當共學嵇中散矍目

東田漫稿

二卷

四一

林間送去鴻

評云

御月父風對屬太巧

頻年杖屨得追隨今度園亭醉莫辭騎馬慣  
忘通刺入連牆深悔定交遲室懸別榻空勞  
下筍據胡林已盡吹却笑世間反覆手恩私  
容易向人施

題王彥明秀才畫中梅花

曾到江南見此花托根多在野人家縱令他  
日調羹用只解含酸澣齒牙

遊潭柘山龍泉寺限韻

聽盡泉聲看盡山好山仍在翠湖間一身酒  
債兼詩癖半日僧忙讓客閒老屋人家多玉  
著斷碑年月紀完顏却疑此地非塵世挿竹  
沿流誌往還

評云

第六句可備故實

落日蒼涼拂樹林一聲清磬出雲深已從睥  
睨知山近更與殷勤着屐尋石磴縵迴蘭若  
外野僧閒立貝多陰同來我亦萍踪客載酒  
何年此重臨

評云

山境幽奧寺僧閒適故殷勤尋訪又欲載酒重來也應得委曲盡敘

東曰漫稿

二卷

四二

王太史園亭同明仲洗馬圭峯侍讀西  
涯侍講曰川修撰正夫提學小飲

再到王猷看竹庭新梢無數入簾青酒開上  
若斟瓊液門對青山列畫屏晝永陰雲垂雨  
脚樹深幽鳥墮風翎相逢莫漫談曹事恐惹  
花枝笑獨醒

評云

佳作佳起得十分豪健

銀燭光搖四座寒主人留客興多端春分酒  
出吟懷逸夜合花開暑氣闌行愛莓苔常避  
屐坐便風露偶忘冠同來莫惜同傾倒塵世

相逢一笑難

評云自在

次夏憲副留別韻二首

明日都亭錢使君為君今夜賦停雲十年南  
北名空仰兩月東西路又分尊酒不勞辭滿  
酌簿書須莫事深文淮陽此去還當召好趣  
征車見放勳

逆旅逢君又送君可堪離思繞行雲客程水  
路兼山路夏事三分已二分知己豈無揚得  
意憂心空切范希文平生賴有閒風月足向

東田漫稿 二卷

四三十一

詩壇別立勳

夏憲副除山東得 旨詩以賀之

貞元朝士幾人存君又驅車出薊門兩月外  
臺聊借重三年東海定無冤文章董賈纔堪  
並學術申韓未足論此去也知非遠別可禁  
蕭索對清尊

次韻喜羅洗馬得孫

短檠誰繼讀書燈梧竹孫枝喜又增此日開  
顏先慰祖他年正字莫遺朋人間已應麒麟  
兆夢裏行將鶩鷺憑料得玉堂初報屢紫薇

花外引鈴繩

評云

賀孫熟題又押險韻故用車大多亦不得不知此

夏日訪李鍊師

紫霞盃裏注黃流來鶴亭前記舊遊得句喜  
狂渾折屐掃苔環坐共科頭殘鴉背日初投  
樹新月窺人欲上樓不是奚奴催返轡會須  
秉燭夜深留

巨勝花開候道流共言今度是重遊坐依高  
樹驚蟬蛻歸見斜陽墮馬頭滿地碧苔倚小  
院一聲鉄笛隱重樓何當月夕風晨裏尊酒

東田漫稿

二卷

四四

期君十日留

評云

中聯押韻尤覺勝前

壽宗勉馬司封

京國逢君已十霜情深爾汝兩相忘道分南  
北原同姓曹隔東西揔是卽再歲登堂人未  
老百壺開宴酒初香將來願似陶弘景白髮  
蒙頭眼更方

送程貳守赴嘉興

再領銀青赴浙川暑風將雨濕征衫十年郡  
國繁霜鬢萬里關河耿布帆奉檄又叅新府

事判花仍著舊官衙東南闕說多彫敝此三  
憑君遠寄緘

隼杜送王彥平

蒼惶忽就長途往萬里風烟接素秋念我飽  
書數字至悲君已是十年滄久存膠漆應難  
並高視乾坤又可愁此別應須各努力春山  
無伴獨相求

秋懷和振之病中韻

宮槐涼影坐間移曲几方林靜可依睡久不  
知殘葉下起來錯認落花飛南風不競西風

東田漫稿

二卷

四五

急新髮無端舊髮稀獨有醉時心尚壯取思  
中夜泣牛衣

評云三四見  
得病意

小畫景

橋頭泥滑滑山腹雨飛飛戴笠支藤者應從  
城市歸

重陽前四日

茱萸酒熟授衣時遠客登樓有所思一病腰  
頻移帶孔十年面已似靴皮雨聲向竹無虛  
葉風致瓶花僅拆枝幾度欲換章甫去此生

爭受

九重知

評云

五六好

題戴文進送別圖

白雲紅樹路悠悠  
三兩行人古渡頭  
一向江南一江北  
不知何地著離愁

送定師歸淮南

幾年遠故國  
今日送歸僧  
薊北天將雪  
淮南水未冰  
喜飛名利錫  
還續舊壇燈  
不道東山路  
支公獨養鷹

祠部來南土  
袈裟離北州  
自稱臨濟派  
人道

東田漫稿

二卷

四六

遠公流下水  
孤槎晚遶淮  
獨樹秋遙知  
到山日說法  
見獼猴

評云

五六似唐人

贈林千戶

將軍豈合領牙籌  
到處風光豁壯眸  
萬里雖同韓滉漕  
十年真作子長遊  
別離都下水霜  
早歸去  
江南橘柚秋  
何事山川看不盡  
更為

圖畫感孤舟

十月十七日同鄧侍御宗周巡視京東

馬房迄歸得詩十五首通州道中三首

一官羈絆老京塵  
此日重臨折木津  
黃葉樹兼紅葉樹  
黑頭人變白頭人  
來牛去馬生涯  
倦南陌東阡世路  
新賴是雲山行處  
有不然何地著吟身

曙分平麓火風塵  
野色蒼茫遠帶津  
瘦馬獨吟行部客  
蹇驢遙辨上京人  
天寒白鴈霜前度  
木落青山雨後新  
却笑經年在城市  
匆匆真是不閒身

又駢羸騎出東城  
官道無塵似掌平  
南去比來今老大  
舊村新館幾紛更  
樹頭敗葉經霜

東田漫稿

三卷

四七

盡天末殘霞照水明  
惟有青山終古在  
淡粧濃抹送人行

泮石橋公館題壁用前韻

鬢髮髮髮足黃塵  
遠道初窮涉近津  
駐節暫留中監宅  
題詩還對北臺人  
酒乾銀甕寒應退  
燭剪金刀話轉新  
明日又鞭官騎去  
萍蓬終恐是前身

館中有老中使自言鄉里人索詩甚勤  
用前韻漫賦一首

多少貂璫在後塵  
黃金小帶立華津  
感恩猶

先帝聞語遙知是北人  
沙苑久君風致羨霜  
天留飲月華新醉來却笑涼州守斗酒何勞  
致此身

官庄道中

內廐養馬草場

漠漠平沙野望寬  
漢家小苑近長安  
孤鴻墮日青山小  
萬馬嘶風百草寒  
遠火隔村明候館  
驚塵如霧撲征鞍  
長途不盡吟懷倦  
始覺人間行路難

評云

三四鏗鍊工甚

東田漫稿

三卷

四八

宿北石渠公館次壁間韻二首

十二天閑此最遙  
蒼山重疊水周遭  
偶來中夜占天駟  
自笑微官類馬曹  
歌枕嚴更初隱約  
扞窓寒葉正蕭騷  
無端更被詩神惱  
撚斷吟髭月漸高

評云

五六雄豪自在

小隊清笳引路遙  
酒標隨處苦相遭  
偶然有

作留山館見者休驚是  
水曹零雨出門泥布

護長風吹帽髮刀騷  
明朝西掖相望此一抹

寒雲鴈影高

石渠阻雨

沙村孤館迥，客到亦應稀。  
木落山新瘦，泥深雨正肥。  
長途愁去馬，薄冷透征衣。  
欲發還成住，空勞詠式微。

登孤山書寶峯寺二首

野寺凌山頂，羊腸一迳斜。  
客來嘶驥裏，僧出具袈裟。  
遠岫雲疑雨，寒天樹歇花。  
嗟予行役倦，就欲此移家。

禪宮金碧照林丘，人道重經內監脩。  
鶴擾下聽僧說法，犬鳴知有客來遊。  
山腰石潤初過

東田漫稿

二卷

四九一

雨碑額苔深不記秋，不是簿書催我去放歌。  
於此十句留。

評云

二聯有風味，犬鳴字未經見。

宿南石渠公館題壁

酸風吹破山窓紙，寒月窺人到石林。  
惟枕不眠聽鼓坐，一更聲短一更長。

評云

末句即坡公所謂長短句更可笑。

碑刻月梅

寒天日落孤山黑，南北東西不辨行。  
惟有梅花先得月，一枝踈影自分明。

評云

拾致甚高脫灑飄逸借求句氣索

村館偶書

荒村逢館主留我口將哺落葉紛天井濃茶  
出地壚得詩求益菜敗興極催租不是衝泥  
怯前庄就野夫

石橋老中使送予至官庄別去再一律  
遺之以酬其意

小窓剪燭曾同話遠道迂車復送行樹下我  
無三宿戀客中君有十分情飲之醇酒惟知  
醉報以新詩固不輕臨別匆匆還致語幾時

東田漫稿

二卷

三

驕馬入都城

評云

尾句眼前事語但無人道及耳

次韻送李德馨少叅進賀

萬歲節表還江西

紫宸韶護慶長年萬國衣冠聚日邊按節喜  
君來遠道病軀慚我類瞿禪襟期至此還多  
阻會合於人少十全莫怪向來情落落莫杳無  
一字寄江天

送陳推府還徽州

雙闕纒呼萬歲聲又鞭官騎出重城甘棠有

樹還聽訟凍柳無枝可寄情離夢不隨燕鴈  
斷歸心遙望婺星明郡齋到日如多假好為  
裁書達

帝京

壽董都督

曾提虎旅鎮吳中老棄兜鍪伴赤松肯為雞  
鳴還舞劍自甘鳥盡合藏弓客從元日知生  
日子以儒風繼父風試向貂蟬班列數幾人  
福壽得如公

送孫約之僉憲致仕

東田漫稿

二卷

五一

早向明時遂引年都門為別思茫然分  
司舊摠三章法負郭今耕二頃田林下似君  
能有幾道傍觀者共稱賢何時我亦投簪去  
擬近香山結數椽

送于守正還鶴慶

雙旆衝寒入

帝京路人猶識舊乘驄二年謫宦丹心在萬  
里歸來一橐空獻納固應思汲黯平反却喜  
得于公相逢且盡燈前酒榮辱升沉摠夢中

壽濟南湯氏二親

此翁此姥髮如絲壽酒平分醉玉卮尚父共  
稱天下老大家真是女中師蟠桃並蒂三千  
歲花甲同庚八十時况復家臨東海住神仙  
應已識安期

埧北馬房

按節來沙苑駟馳半日間地寬饒白草林厚  
隱青山落日鴉還樹寒天馬入閑主人留飲  
屢燈火夜爛

評云

中二聯好

北高馬房

東田漫稿

二卷

五二

樹色曉龍蔥相逢

御苑中諳山初得日萬馬正嘶風座擁金璫  
貴歌畚玉樹工嗟予猶病酒三爵未能終

湯山馬房

萬馬平沙祭錦雲驪黃遙望香難分斜陽舊  
識吳門練老眼今看薊北群水度野河連底  
凍草經獵火帶原焚晚來還借官坊宿長短  
山更徹夜聞

黃土馬坊

歷盡天閑此駐鞍主人留飲故情懽燈傳火

令燒殘夜酒壇兵擁戰退寒隔座偶成詩草  
草歸期漸指月團團此行不為公家事安得  
閒身逐豸冠

過洪法寺次韻

白髮吳僧健談空坐講堂留人多啜茗供佛  
祇焚香日落鴉爭樹天寒鶴共房嘆予行役  
倦風雨欲連林

評云第六句好

歇馬城西寺林幽斷宿攀鳥窺遊客下雲共  
定僧閑萬竹偏東長諸經自

東田漫稿

二卷

五三

內頌茲行亦奇絕日暮不知還

夜長餘刻漏身病戀衾稠老樹風驚夢踈窓  
月照愁

評云此絕甚佳中唐以上語也

喜雪

諸歲十二月二十六日  
諸斜封官各有差次日遂壘學士  
揚先生有詩  
因次其韻

一冬氛氣暖重重年盡冰花馭朔風官道白

從今日始群山青減舊時濃自緣

明主回天意不獨貧民兆歲豐我亦有樓高

百尺曉來登眺快元龍

再次前韻

誰啓瓊樓十二重，亂飄瑤屑下天風。萬家農事占年稔，四郭山光失曉濃。郢曲調高慚下里，灞橋思苦入新豐。世間醉眼休驚怪，不是長空戰玉龍。

評云：雪詩自難，故二極力只如此。

三笑圖

東晉山河半屬劉，虎溪橋水尚東流。當時空有真豪傑，也只林間一笑休。

評云：觀此則東晉不亡，何待可嘆可笑。

東日漫稿

二卷

五四

乘槎圖

一望銀河萬里長，人間天上兩茫茫。不知博望乘槎去，曾有書來慰武皇。

評云：起句好，末不稱。

穀日題艾鍊師壁次韻

古墻風雨暗莓苔，老我重騎瘦馬來。王屋樹杵依舊在，玄都桃樹幾番栽。感時懷抱徒增劇，過眼年光更不回。便欲乞官勾漏去，自慚不是葛洪才。

十七日送李明府

征車又駕出重城楊柳東風拂面輕

三殿昨隨方岳覲百壺今送使君行向來盡  
省雲山隔此去花封父老迎我幸有親俱白  
首喜逢賢令過餘生

送青縣劉明府

早春飛鳥覲 瑤京又向都亭折柳行

天上已沾新歲寵馬頭還問舊時程到官挑  
李花初暖在路風烟曉正晴此別相逢定何  
日依依雲樹獨關情

送客過法林寺

東田漫稿

三卷

五五

地僻無人到時因送客來斷碑橫道左清磬  
出林隈日午僧猶定春寒花未開忽思塵世  
累欲去更徘徊

輓陸侍御抑之二親

怪底江天雲霧裏少微星隱婺星藏龍頭春  
及無龐老廡下年來失孟光茅屋月臨機已  
斷野塘風冷履猶香可憐遊子還家日淚血  
洗瀾洒夕陽

題畫雪景

山人住向水雲鄉一夜雪深三尺強已辦青

錢沽酒到小舟仍喚打魚郎

評云

此絕句好末句不蕭索

花朝前一日過真空寺

野寺年深水壞垣數家半落不成村看碑人去鴉還樹乞食僧歸犬候門古殿不關空白晝殘燈無燄欲黃昏我來聊復題詩在塵壁從教暗墨痕

評云

曾遊此寺者方知此詩模寫之工

清明謁陵出北關

瘦馬凌兢度北城野田隨處有人耕數家茅

東田漫稿

二卷

五六一

屋村邊合三尺青旗柳外橫風景滿前聊爾  
是 西陵第一程  
寢園謁後重行行東華漸遠清河近此

次清河

晴山疊疊水云沙暖芳洲睡鴈群到處青  
旗非舊主誰家黃土蓋新墳貴游萬騎兼千  
騎春色三分已二分清景滿前酬不盡詩才  
應媿鮑參軍

次沙河

長嘯沙邊起白鷗東風芳芷思悠悠野桃臨

水繞半面山，杏出墻剛一頭。歇馬暫依沽酒店，渡人曾借打魚舟。

諸陵望望，神宮近日照黃金萬瓦流。

評云

清新婉媚自是作者

過通濟橋東同事者

野店村橋馬去遲，垂楊十里正絲絲。人家又過秋千節，天氣渾如夏五時。燕掠飛花衝去，布龜眠芳草載殘碑。同來總是傷春者，何事春歸獨欠詩。

評云

二詩俱高妙却恨末句俱氣索

東田漫稿

三卷

五七

與昌平館人話舊二首

山館相逢及暮春，風花又是一番新。舊遊在坐嗟無幾，往事重論記失真。醉後酒母多酌我，老來詩已不驚人。八年省署頻行役，潦倒無能媿此身。

北來重向此停驂，地主留人酒正酣。簾捲斜陽通晚燕，紙經新水浴春蚕。茲行管取一年一明發，又逢三月三安得粗酬身世了，醉歸花底墮華簪。

發昌平道中遇雨三首

欵段搖搖去路長東風吹雨濕衣裳

諸陵漸近山光紫三月纔臨柳色黃春事每

先官事了老年番比少年狂道傍翁仲如相

識笑我來多兩鬢蒼

曉發昌平道餘寒襲緼袍陽坡平似掌零雨

細於毛柳色東偏重山形北漸高

長陵在何許奔駿敢辭勞

用韻

一年一度駕征驂老去邯鄲夢獨酣誰道知

長能及馬我嗟性巧不如蚕茂陵松栢圖應

東田漫稿

三卷

五八

十揚子龍蛇世已三安得便拋塵鞅去免令

華髮上朝簪

和齋房聯句韻

徙倚虛簷送落暉清明烟火望中微林花欲

盡風猶惡山雨初晴雲未歸天外斷鴻來渺

渺水邊獨騎去依依憑誰為起文園病猶及

春前可拂衣

評云二聯好未句亦只是前數篇意却喜壯健不餒索耳

齋居

齋廬久坐嫩寒生四壁蕭然一炬明聊撥涼

餘還假寐舊經行處重經行林深似有山靈  
泣風靜惟聞櫪馬鳴爭及夜來村館裏倍增  
吟度短長更

謁裕陵

燭影幢幢 寢殿寒東壇祠罷復西壇太常  
奠獻遵周典都尉齋明肅漢官香氣滿天兼  
宿靄松聲入夜雜鳴湍小臣曾沐貞元治瞻  
仰 神宮欲去難

再過館人題壁

山縣春晴花柳妍欲歸重向此留連感時一

東田漫稿

三卷

五九

百餘五日計齒三旬又九年揚子有官猶執  
戟茂陵無樹不參天醉來暗與心相約酒量  
詩才總媿前

評云五六淹滯可傷

歸途和汪文潔韻

木末纔窮到水隈山靈留我故遲回春光已  
盡方探杏病眼驚看錯認梅路遠市橋聊駐  
馬價廉村釀且啣盃無端苦被斜陽惱時隔  
平林一見催

沙河道中

特初二日清明

遠道歸來勝得春清明節與袂除鄰紙錢已  
見祠新鬼珠被明當賦麗人衣近浴沂單可  
着酒逢禁火冷猶巡何須重憶當年事綿上  
山陰總不真

評云

第四句  
可紀事

贈鄒訓科

春滿旗亭柳萬株杏林人去賦驪駒蹇予多  
病渾如沈恐爾前身或姓盧鸚鵡有書隨上  
計鵬程即日便南圖湖相近說民彫瘵憑仗  
刀圭療得無

東田漫稿

三卷

六十

評云

雖未免用醫家故實然  
中調詞戲語亦有可喜

遊白雲觀二首

春老玄都觀劉郎又獨來草侵蝸砌長花傍  
鳥巢開白日長還靜遊絲去復回詩成吟未  
穩踏遍一庭苔

評云

尾句  
可喜

沐浴聊過此何妨醉借苔東風花尚好前日  
燕初回官事未易了好懷胡不開主人如愛  
客百遍亦能來

評云

此是詞  
前韻

靈惠寺訪亮上人二首用韻

簷蔔花香盡日留矮窓團坐對湯休階前草  
合無人到簾外春歸有燕愁莫道光陰非過  
客也知塵世似虛舟何當便結束林社不向  
城中作漫遊

長廊高樹夕陽紅坐看遊絲墮碧空量減不  
禁蕉葉酒春殘已過柳花風家鄉白馬青山  
外心事黃簾綠幕中莫向浮屠誇靜勝朝朝  
騎馬劍門東

評云雄渾  
感慨

東田漫稿

二卷

六一

遊房公城西別業

平生山水元多癖此日風光始出城春已去  
殘猶未雨地因來火不知名吠人村巷時聞  
犬立馬溪橋獨聽鶯賴有詩家房次律一尊  
花底待同聽

題其先塋次韻

高冢纍纍對遠岑穹碑文字已苔侵階前未  
許崇禰拜林下時容德操尋方圃繁化留晚  
蝶斜陽深樹變春禽我來掃石題詩在為感

松樹故園心

評云

五六  
自在

再用前韻即事

捲簾坐對郭西岑，清曉惟餘爽氣侵。此日一尊聊騁望，何時聯騎許重尋。官閒已免羈塵鞅，林茂兼聞鸞夏禽。便合放懷成痛飲，肯教辜負百年心。

再即事

北苑臨初夏，南風襲等袍。樹因花長媚，筍與竹爭高。輕靄天施幕，新莎地出毛。何由消此日，揪局與松醪。

東田漫稿

三卷

六二

紅梅

上苑花光別是春，一株寒玉漬紅雲。真妃半醉葡萄酒，湘女初圍茜草裙。東閣詩篇元未及，西湖風月許平分。而今漫有幽香在，已與南枝迥不羣。

評云

如此詠物  
亦自可喜

題馬湖知府安土官家世卷

露冕行春荷

主恩百蠻迎，虔拜未輻傳。家已歷漢唐，宋來作郡兼。聞祖子孫季，扎比來賢始。著尉佗南向。

節猶存即今四海車書一留取忠貞照後昆

宣溪宅會飲限韻

種竹庭依柳市東一樽談笑北窓風情深却恨交猶晚老至那能日再中世事奕碁看已倦人心如面了難回何當便結青山社不作朝來木槿紅

夏日過長慶寺次程諭德韻

禪房幽徑隔花分老衲留人禮數勤旋碾綠塵供茗具細刻蒼蘚辯碑文庭槐初合藏鴉舅山雨將來戰蟻君到此頓令懷抱爽回看

東田漫稿 三卷

六三

軒冕是浮雲

贈唐宗明少卿赴滁州分寺

一尊相送出理京陌上涼風白苧輕老我舊同青瑣客多君今拜馬曹卿天香滿袖辭三殿江雨掀蓬過石城想到滁陽官事少醉翁亭上聽泉聲

送楊重光弟還閩中次其韻

岸柳陰陰白鳥雙行人歸思繞蓬窓還家謾作荆山泣失意番令李邵降池草有詩勞遠夢筆花何日瀉長江閩中列岫青無數誰辨

尋常石與珣

評云前六句俱好

禁直寓懷

搔首埤垣對落暉鄉心撩亂宦情微八旬老  
父雖猶健七品微官未得歸畫省也知勝白  
屋青衫無那誤斑衣不須蘧瑗行年到已覺  
從前事事非

評云情真故一氣下來不厭直

和揚文卿近寺假榻

風景依稀杜曲南碧槐庭院畫潭潭門深過

東田漫稿

二卷

六四

客敲應再厨澁兼僧食僅三息慮有特同戒  
定攢眉無復更沉酣知君此日惟高枕一任  
浮雲蔽蔚藍

評云通篇自在不似和詩起句尤佳

贈郭都憲謫官射洪

曾駢組練淨胡塵蜀道於今作放臣豈是  
朝廷輕用法自緣州縣合勞人

賜環消息知何日橫槩分明誤此身去去定  
經斜谷口莫將成敗問遺民

夏日飲李公宅次韻二首

種來窓竹過牆不客到簾應為竹鉤風景隔  
年渾似昨園亭過雨忽驚秋每慚坐席香三  
日敢向詩壇較一籌薄暮出門成獨笑此生  
長為酒杯留

門巷過容再到不醉歸曾計月如鈎花間雨  
過香猶濕竹裏風來爽似秋但願長繩能繫  
日從教滄海易添籌何因得脫羈銜累此地  
高歌十日留

評云勝前篇

劉臣節員外宅小酌次韻其弟朋節侍

東田漫稿

三卷

六五

御同在坐

老我無能兩鬢星每從昆玉挹餘馨情深酒  
價寧論費思苦詩神欲乞靈隔座繁陰隨日  
轉撲簾雨氣借風醒醉歸况抱文園渴準擬  
分泉入夜瓶

題童勉和便面

黑雲天際垂白浪江間作說與扁舟翁前途  
風雨惡

評云佳作

和楊重光韻兼東照一天上人

高樹涼生暑解嚴客窓風味許誰兼越南羈  
客惟莊舄吳下詩僧數道潛賓館有時勞賞  
酒故山無日不釣簾止綠禁直經過少滿地  
蒼苔護笋尖

評云

韻愈險句律愈莊重  
渾成故自不可及

和楊文卿近寺避暑

蕭寺移居避市喧小窓清比綠筠軒也知未  
了詩篇債猶喜權無簿領繁龕近殘燈分許  
半井寒烹茗汲多渾想應不似邯鄲道軒冕  
年年役夢寬

東田漫稿

二卷

六六

次文卿待用重光聯句韻二首

遠公蓮漏幾籌添話久僧先讓黑甜涼雨忽  
從林葉到曉晴還仗燭花占靜便此地塵喧  
少貧幸西隣酒價廉怪底夜深衣袂濕陰雲  
猶自宿重簷

流年白髮鏡中添潦倒深慚蔗境緝此夜客  
邊聽雨坐幾時婦計許眉占簿書債了還何  
益山水情多獨未廉偶共故人清話久濕螢  
無力墮前檐

馬東田漫稿卷之二

